



## AKCIJE CORAL I TANGO | Danas odluka o pritvoru

# MIRZA HATIĆ OTKRIO DETALJE O KRIMINALU U HOTELU HOLIDAY

• Ponudio saradnju Tužilaštvu KS-a • Alagić:  
Da li će se vjerovati jednom kriminalcu?

Privedeni u akcijama Coral i Tango su nakon saslušanja u prostorijama SIPA predati Kantonalnom tužilaštvu Sarajevo, gdje su ispitani, a nakon čega je Kantonalnom sudu upućen prijedlog za određivanje pritvora. Sjednica je održana sinoć, a odluka bi trebala biti poznata danas.

Riječ je o Alenu Čengiću, Adnanu Hadžibajriću, Mehmedu Puškiću, Vahidu Aliću, Jasminu Kulenoviću, Sabini Bajraktarević, Jasmini Šehović, Emiru Smajlbegoviću, Damiru Isteniću, Adisu Skorupanu i Hasibu Musiću uhapšenim u akciji Coral, dok su u akciji Tango privedeni Senadin Didik, Kemal Elkaz, Anida Kunić, Emir Ljuca i Sabina Zumberi. Oni se terete za poreznu utaju, sprečavanje službenog lica u vršenju dužnosti, tešku krađu, oštećenje tuđe stvari, ugrožavanje sigurnosti, kao i navođenje na prostituciju.

### Podeblji dosje

Advokat Damir Alagić zastupa prvoosumnjičenog Čengića, ali i Hadžibajrića, inače prokuriste privrednog društva Holiday Resort, i Mehmeda Puškića, koji je obavljao poslove u ime direktora. Među os-

talim uhapšenima su i dva informatičara koja su, prema riječima Alagića, radila za stečajnog upravitelja, a ne Čengića. Uhapšen je i predsjednik Sindikata Holiday Resort Vahid Alić, inače predsjednik Udruženja RVI Općine Stari Grad.

Kako advokat otkriva, informacije o navodnim kriminalnim radnjama u hotelu dao je 2. oktobra Mirza Hatić, optužen za reketiranje



**Vahid Alić:** Bio predsjednik Sindikata hotela

koje je i priznao. Ne samo što je priznao i pokazao se, Hatić je izrazio spremnost da svjedoči o drugim kriminalnim radnjama, od trgovine drogom, prostitucije do privrednog kriminala, te je ponudio saradnju Kantonalnom tužilaštvu i kazao da će otkriti brojne pojedinosti o krimi-

nalu u hotelu Holiday Sarajevo ili nekadašnjem Holiday Innu.

- Na ročištu ću iznijeti stav odbrane. Da li će se vjerovati jednom kriminalcu sa podebljim dosjeom, koji očito želi smanjiti svoju kaznu tako što će otkriti tužilaštvu navodna druga krivična djela, ili ljudima koje zastupam, a koji nemaju do sada nikakav kriminalni dosje, pita Alagić.

### Ko je krao slike

Prema njegovom mišljenju, priča o prostituciji je besmislena. Dešava se često, kazao je, da stranci, kada dođu u Sarajevo, raspiju se o noćnom životu, pa i o djevojkama.

- Ako se na tome zasniva sumnja o organizovanoj prostituciji, onda nemam riječi, rekao je advokat.

Kada je u pitanju krivično djelo krađe, Alagić pretpostavlja da se tu misli na iznošenje vrijednih umjetničkih slika autora Mersada Berbera iz hotela. Specifično je, kazao je, to što su pomenute slike otuđene iz hotela još prije nekoliko godina.

- Neko ko je krao te slike, kao amater, crtao je nove i stavljao ih u okvire, kazao je.

On je najavio da će te i ostale pojedinosti kojima raspolaže otkriti danas na ročištu. **E. GODINJAK**

Page: 6


Reach: 0

Country: BOSNIA AND HERZEGOVINA

Size: 355 cm2

2 / 2

---



**Mirza Hatlić:**  
Dao iskaz o Alenu Čengiću



Uhapšeni su zadržani u Tužilaštvu KS-a